



4. januar 2010

Inatsisartut suleriaasianni § 36, immikkoortoq 1 naapertorlugu matumuuna imaattumik
Naalackersuisunut apeqquteqarpugut:

Apeqqu: Ummannap Upernaviup taakkulu nunaqarfittaasa imartaani qassusersorluni
qaleralinniarneq pillugu Naalackersuisut suliamik paamaarussinemat sumik pissuteqarpa?

(Inatsisartunut ilaasortat Finn Karlsen, Siverth K. Heilmann aamma Knud Kristiansen, ATASSUT)

Tunngavilersuut:

September 2009 naalersoq Naalackersuisut nalunaaruteqarput Ummannap, Upernaviup taakkulu
nunaqarfittaasa imartaani qassusersorluni qaleralinniarneq inerteqqutaatinneqalissasoq siunissamilu
taamaallaat ningittagarsorluni aalisarneq ingerlanneqarsinnaalissasoq, ilanngullugulu
Naalackersuisunit ilisimatitsissutigineqarpoq qassusersorluni aalisarnerup unitsinneqarnissaa
aalisartut namminneerlutik kissaatigisimagaat.

Imaassinnaavoq aalisartut ilaasa tamanna kissaatigisimasinnaagaat, kisiannili sakkortuumik
eqqaasitsissutigisariaqarparput qaleralinniarluni aalisarneq assigiinngitsutigut ingerlanneqarmat,
ilaat umiatsiaararsorlutik ningittagarsortarput ilaallu angallatinik anginerusunik aalisariuteqarlutik
qassusersortuullutik, mattussuisoqaranilu tamarmik inissaqartinneqartariaqartut ATASSUT-mit
isumaqarluinnarpugut.

Qassusersorluni qaleralinniarnep unitsinneqarsimanerata kingunerisaanik angallatinik anginerusunik qaleralinniarnermik ingerlataqartut aningaasarsiornikkut unittoortinneqarput taakkulu saniatigut inuttaasut aningaasarsiornepat unitsinneqarpoq. ATASSUT-mit naliliinerput naapertorlugu aalisarnermik aqutsineq tamanna naapertuutinngilaq piaartumillu iluarsiivigineqartariaqarluni.

ATASSUT-mit ilisimalikkagut naapertorlugit Qaasuitsup Kommuneani 7. december 2009 Kommunalbestyrelsep ataatsimiinnerata kingunerisaanik qassusersorluni qaleralinniartarnej pillugu ileqqoreqqusaq Naalakkersuisunut nassiunneqarpoq maannalu qaammat ataaseq qaangiutilersoq Naalakkersuisut tungaannit alloriartoqarsimanani.

Tamanna tunngavigalugu ATASSUT-mit paaserusupparput Ummannap Upernaviup taakkulu nunaqarfittaasa imartaani qassusersorluni qaleralinniartarnej pillugu Naalakkersuisut suliamik paamaarussinerat sumik pissuteqarnerseq aammalu sumiiffinni pineqartuni qaleralinniartunut pissutsit qaqugu qanorlu ittumik iluarsiivigineqassamaarnersut.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat